

江西通志
(八)

欽定四庫全書

PDG

江西通志卷一百五十七

列傳二十四 廣信府一

唐 南唐附

方疎字仲成弋陽人景雲進士累官鸞臺侍郎開元中封禪爲禮儀使卒止閑雅元宗歎其知禮封雲亭侯明

志統

高仁字寬仁一作寬貴溪人大厯閒任福建觀察使一

名公若顏真卿輩皆託交今邑南江頭坪有高觀察墓

志安

吳勳字弱齡其先延陵人後自濮陽徙貴溪遂定居焉

勳好學善文嘗讀書谿上同峯下學著

元和閒以白衣召入拜水曹郎年四十卽仕有文集

江西通志卷一百五十七 列傳四 廣信府

十卷柳宗元爲序志安

吳武陵初名偁勳子元和進士拜翰林學士後以事

永州時柳宗元亦以謫至因與之游嘗稱其直而有文

又曰武陵剛健士也踴躍其誠鏗鏘其聲出而爲之詩

其見稱如此後爲桂州防禦判官林志 譚案吳勳父

今歸併

黃舟貴溪人數世同居元和初居父喪哭不絕聲哀毀

以死朝廷賜其門命州縣存問并復其家志安

謝志舊案唐書孝女傳敘尚有上饒鮑嘉福處節真

載附志 謝志舊案唐書孝女傳敘尚有上饒鮑嘉福處節真

裴璩字原明貴溪人乾符閒爲浙西節度使時鎮遏使

王郢等劫庫兵作亂攻陷蘇常泛江入海乘勝寇浙西

璩嚴兵設備密招其黨降之郢走死餘黨悉平後八祀

之號裴大夫廟安志 譚案綱目載裴璩平王郢事不

鋼子列東卷下何

王貞白字有道上饒人乾甯進士先是崔凝典文衡不

協士論上詔陸展覆試武德殿貞白占優等授祕書郎

遭時不淑隱居教授有靈溪集行於世林志 譚案廣

土饒永豐鎮人卽今廣豐縣境墓在縣西門又致唐才

子傳稱貞白信州永豐人兩獲科甲值天王符岐退居

桂卿貴溪人少武勇習兵法累官銀青光祿大夫上柱

國進階司空先是數平劇寇有戰功軍中號捉生虎子

遷信州總轄時閩越邊寇卿出奇兵芟刈之數郡民賴

以甯宋開寶中李氏納土卿固守信旣而得李主手書

江西通志卷一百五十七 列傳四 廣信府

諭以城降乃歸隱貴溪藝祖太宗嘉其賢屢徵不起大

平興國閭寇復熾承詔勦平之以功拜都尉辭不就洎

化三年卒鄉人立祠祀焉慶元二年賜廟額曰威顯謚

曰忠人物

蘧瑗貴溪人保大閒仕都虞候以赤嶺功累升司徒銀

青光祿大夫封西州侯貴溪與閩接壤命瑗領兵戍境

上民賴以安旣沒人感其功立祠祀焉目所成之山曰

蘧嶺人物

宋

虞肅字元卿信州人大中祥符進士初爲建州司理參

軍監福州寶積場歲終當遷有司從肅求賂肅謝曰與

其以賂遷吾甯困以終身也後以葉清臣薦歷遷太常

承屯田員外郎判滁州王安石誌墓人志白志舊
志亦不載

沈迥字子山信州弋陽人進士及第補大理評事慶歷
初爲侍御史時呂夷簡罷相輔臣皆進官迥言爵不可
以勸臣下非功而授則爲濫今邊鄙屢警未開廟堂之
謀有以折外侮無名進秩臣下何勸焉又論夏竦陰交
內侍劉從愿使從愿內濟狡譎疎外專機務姦黨得計
人主之權去矣其言甚切權鹽鐵判官轉兵部員外郎
加直史館使京東歲餘入爲侍御史知雜事未幾擢天
章閣待制知澶州徙河北都轉運使知延州卒東略
應舜臣字仁伯貴溪人少卓犖不羈及長篤志向學登
慶應進士累官太常少卿判三司極言新法不便忤王

江西通志卷一百五十七

三

安石出知洪州藏書數萬卷公餘披誦日夜忘疲與文
彥博曾輩相友善卒贈金紫光祿大夫禮部侍郎人物
桂詢字謀道弱冠遊京師一時英俊皆相友善皇祐進
士仕司理歷直講應天府有軍巡判卒於官弟冲政和
進士有俊才與詢子韶齊名爲時所宗稱大桂小桂物

葉虞仲字聖參玉山人皇祐進士通判江州持身廉謹
貧甚至不給餽粥有邦人解官歸者遽置田數十頃以
誇虞仲虞仲笑曰吾貧不能辦此請以二十櫃書當之

明一

劉輝字之道鉛山人嘉祐四年狀元調河中節度判官
祖母不習風土輝白府解官侍養詔移建康他日祖母

卒請承重府尹上其事詔下禮官議從之有宋以來
孫有諸叔而承重者白輝始歸葬哀慕盡節州閭稱孝
焉人物志白志舊案豫章書所載與人物志不同今
文獻公集後劉輝初名幾章日好爲詩語賦志公惡其
之紅勒印後年歐復爲主考以堯舜性仁論命題得之
卷云稱賞延爲第一唱名乃劉輝人曰此卽劉幾也公
志輝所著有東歸集

傅槃字平叔鉛山人嘉祐進士嘗爲縣令當新法方行
不爲委靡以奉大吏爲人廉白一介不妄取志林
許幾字先之貴溪人少以諸生謁韓琦勉入太學擢第
調高安樂平主簿知南陵縣還民之託僧尼爲奸者數
百人提舉京西常平爲開封府推官進至將作監吏與
匠比爲姦欺凡斲削塗墍丹雘之工當以次用而始役

江西通志卷一百五十七

四

卽槃給其廩費亡藝而患不均幾逆爲之程費省工倍
再遷太僕卿戶部侍郎以顯謨閣待制知鄆州梁山濼
多盜皆漁者窟穴也幾籍十人爲保使晨出夕歸否則
以告輒窮治無脫者幾有吏幹善理財由是四入戶部
至尚書出知婺州河北都轉運使徙成德軍知太原府
張商英裁損吏祿幾預其議貶永州團練副使安置袁
州遇恩復中大夫卒

徐紹字景昭貴溪人讀書天冠山下名著一時熙寧初
舉進士仕兵部職方員外郎孫麟瑞熙寧進士仕高州
守人物志

唐子正字幾卿興安人通判邕州熙寧八年交人圍邕
子正與蘇軾率兵固守外援不至城陷子正及軾死之

南甯府志

陳銘字日新玉山人博學能文熙甯進士判撫州剛方廉介不徇人私嘗以考績至都適有天變因陳親正直遠奸佞黜賊濫凡十事皆人所不敢言者特授奉訓大夫

虞大熙肅子也任宗丞與兄大微大甯弟大冲相繼擢

第居家以孝弟聞立朝以名節顯熙甯間陳述古以治

經有行薦之經筵以備臺閣之選大甯以光祿丞知鄞

縣盡心水利民祠祀之

林志鄞縣志

李封字元伯玉山人少有俊聲累舉不第奮然自陳奉

旨兩制覆試熙甯中以推恩授官晚年學益進玉山稱

鄉先生者必歸之

人物志

江西通志卷一百五十七

列傳

五

詹丕遠字子猷玉山人登元祐進士由校書郎除右正

言極論蔡京之奸又乞罷修造止絕諸司浮費俱切中

時弊卒爲惡直者所逐晚年優游鄉里人推敬焉子堯

可知華亭縣有治聲

志安

余安行字仲勉弋陽人所居有巖如月號石月先生歷

官朝議大夫性篤孝親喪廬墓名其亭曰無盡以表孝

思所著有至言春秋新傳諸集

明一統志

葉大用玉山人紹聖間任武職金人侵汴大用從戰全

軀以歸高宗書拔身歸國節義可尚八字賜之隆興初

授京西路兵馬副都監

明一統志

張憲貴溪人武力絕倫紹聖初選爲博興巡檢方臘寇陷兩浙憲募勇士千人兼程以進賊懼引退遂復衢州

未幾金掠滑州卽馳赴之旣瀕河會橋斷不克渡至毫

州間駕北狩欲邀截而不能乃趨兵濟南謁高宗因薦

文武全才堪爲將相者七人以李綱宗澤爲首拜武義

大夫江南東路軍騎總管久之江東妖賊王則大熾憲

走上饒會兵進討兵未集爲賊所陷與其子琳死焉事

聞贈武功大夫官其兩子

林志

周師原貴溪人元符進士有雋才能文辭初仕將作監

丞歷遷左拾遺直史館數上書言時政利病出知明州

卒官

安志

齊之禮字亨仲弋陽人元符進士靖康中爲監察御史

與人交初泊然若無意久乃愈親閒引鄉曲子弟訓誨

丁甯本於忠厚廉介而用以和裕

林志

江西通志卷一百五十七

列傳

六

鄭驥字潛翁玉山人元符進士知深陽縣歲饑民多逃

亡漕司按籍督遣賦不少貸驥盡去其籍使者欲繩以

法驥曰著令約二稅爲定數今不除則逋愈多民多貧

賦愈不辦使者不能屈時議自建康鑿河渠導太湖以

通大江將破數州民田調江浙十五州丁夫所費百萬

計驥條晰利病力止之通判奇嵐軍改慶陽府錢蓋自

渭易熙奏辟幕下地震秦隴金城六城壞驥爲蓋言六

城熙河重地宜趣繕治因自請董兵護築益機灘新堡

六百步以控西夏擢京兆府等路提舉常平驥按格爲

常平總目十卷頒之所部高宗初以直祕閣知同州兼

沿河安撫使金將婁宿犯同州驥遣兵擊之失利金人乘勝徑至城陷驥赴井死贈通議大夫樞密院學士諡

威愍驤在熙河嘗撫熙寧迄政和攻取建置之迹爲拓
邊錄十卷兵將蕃漢雜事爲別錄八十卷圖畫西蕃西
夏回鶻盧甘諸國圖書爲河隴人物志十卷序贊普迄
谿巴溫董璚世族爲蕃譜系十卷

張叔夜字樞仲永豐人者之曾孫先世家開封叔夜由錄事參軍以破賊功加龍圖閣直學士知青州靖康初金兵過河叔夜乞遣精騎邀擊及豫令河北邊鎮出兵斷其歸路并力追襲不報徙南道都總管帥師入援或勸緩行叔夜曰國家危難如此忍顧身乎至京入見請駐蹕襄陽以圖幸雍擢拜僉書樞密院事提舉南道兵守禦城上連日大戰士皆殊死鬪斬其金環貴將二人身被創猶父子力戰金旣議和命彈壓京城事欽宗再

十

出郊叔夜叩馬諫止不能回號慟再拜欽宗回首字之曰穉仲努力會金詔立異姓叔夜抗論宜立皇太子爲君以從民望今不從遂扈駕北去至白溝河矍然起仰天大呼扼吭而卒年六十三訃聞贈開府儀同三司諡

忠文建炎紹興間葬衣冠於積寶院之西詔有司卽墓立廟賜額旌忠東都事略林志謝志舊案宋史張耒祖孫列傳不言遷居江西林志明一

統志宋省臣言行錄皆以爲永豐人南康志又以爲星子人今從林志宋東都事略合撰又考朱子旌忠愍節

碑言忠文卽墓爲祠僻在永豐靈鷲深山之中立廟賜名著在祀典確有司據前志乃云事出流傳無徵不

信豈朱子之言不足徵邪謹案宋史耆輿叔夜兩傳皆稱開封人而廣信南康兩志一以入永豐一以入星

子白志均錄朱子文集與之爭今攷廣豐縣志云據

史者次子利嘗知信州軍或遂卜宅也又引星子縣志云忠確父子死王事家人扶柩南歸舟次南康宮亭不

進道葬焉。扶柩南歸。踰出宮亭。非舊居。星子可知。惟塋地在星子耳。靈鷲之墓。是葬衣冠處。蓋叔夜舊籍開。

封其家於今之黃
豐境當自利始也

余應球字國器安行子崇甯進士授校書郎靖康初言和戰不可偏廢又言新政有四大失欽宗親擢爲御史應球感激知遇在職三月章六十餘上忤權幸以吏部員外郎出爲部使者親喪遂不復仕著有眞隱集并奏議林志

鄭進古字時述貴溪人大觀進士仕武選員外郎讀百

家之言融會貫通發爲文章浩乎莫禦有詩文三十卷

名鳴鶴集朝散郎宋昭序之

施舜顯字彥光永豐人大觀中上舍第累官提舉江西

路茶鹽常平使東牟王右史謂其以仁義篤於躬雖位

不稱德而聞風者悅之其子炳卿亦有文集

八

桂南昇字志和貴溪人政和進士靖康之變金人欲立異姓莫儁等傳粘沒喝意在張邦昌南昇於廣會叱莫儁曰汝嘗作大魁乃如此舉措不愧後世清議邪又移書喻邦昌亟反正毋陷天下大戮邦昌大沮遂遣謝克家迎康王於濟州王卽位嘉南昇忠謹特擢吏部員外郎尋知惠州兼本路安撫使爲政簡靜民心宜之仕至朝請大夫晚歸號東湖散人

毛泰亨字文亨貴溪人政和進士仕國子博士宣和初

龍見京師城外水高丈餘泰亨上封事極論闕失會起

居郎李綱貶官遂致仕歸家杜門埽軌以讀書自娛號

鈍翁志人物

余公瑞字鎮臣安行姪政和中特奏名爲邵武尉歲饑

請常平粟不報即自發之民賴以濟咸稱之曰余父弟公彥由鄉貢告歸養親親沒負土爲墓作白雲亭以致其思林

余亮弼字致勳上饒人政和進士授祁門令務以德化人民服其德量指邑之祁山曰雖昇是實公腹中不礙也累官發書樞密院事參知政事嘗使金專對有體金主憚之未幾乞解機務脩然林下與漁樵伍忘其貴且齒云府

徐中行字元立上饒人政和進士唱名日自陳其父年八十九願以所應得官回授上曰此可厚薄俗詔其父別以官名命之林

周世修字純德玉山人宣和進士知興國縣有平盜功

江西通志卷百五十七
列傳
九

簽書建康府錄諸將園田之逋欠者都督府以民居侵

冒市衢檄令撤之世修拒弗聽子師清字畏知爲徽州

婺源縣令好學有文人物

陳康伯字長卿弋陽人宣和申上舍丙科累遷太學正

丁內艱貴溪盜將及其鄉康伯起義丁逆擊俘其渠魁

邑得全建炎末通判衢州攝郡事盜發白馬原康伯督

州兵濟王師進討克之高宗駐蹕建康除樞密院大計

議官累遷司勳郎中康伯與秦檜太學有舊檜當國康

伯在郎省五年泊然無求始遷軍器監金使至詔康伯

館伴以事論罷知泉州垂十年起知漢州召對除吏部

侍郎首請節用寬民州縣取民無藝許監司互察臺諫

彈劾尋兼禮戶刑三部前此有司希檜意興大獄康伯

平獄直冤士大夫存沒多賴之除吏部尚書尋拜參知政事以通奉大夫守尚書右僕射同中書門下平章事

轉左僕射金遣使賀天中節出嫚言求淮漢地日以淵聖凶問至康伯主禮部侍郎黃中之論持斬哀三年先是葉義問賀允中使還言金必敗盟康伯請早爲之備

金犯廬州中外震駭朝臣有遣家豫避者康伯獨具迎家人來浙人恃以安敵迫江上有勸上幸越趨閩者康伯奏曰審爾則大事去矣於是降手詔親征會金帳下變作一夕遁去孝宗即位兼樞密使尋乞休致加少保

江西通志卷百五十七
列傳
十

封信國公北兵再犯淮甸人情驚駭咸望康伯復相上

出手札即家居召之拜尚書左僕射進封魯國公康伯

力疾就道兼程以進至闕下詔子安節婿文好謙掖以

見減拜賜坐開日一會朝許肩輿至殿門非大事不署

敵師退尋以目疾免朝謁旬歸章屢上不許一日出殿

門喘劇輿至第薨年六十九贈太師諡文恭慶元初醜

孝宗廟庭改諡文正史

張運字南仲貴溪人宣和進士調桂陽監遷潭州攸縣

尉高宗南渡劇賊王在據岐山潭帥徵兵戎岳運將二

千人先至岳賊平改新淦丞攝縣事運撥煨燼考版籍

正和賦數月之間弊除而民定紹興五年通判鼎州賊

楊么黃誠率輕銳徑趨武溪南興以臨鼎州城中大震

運與太守程昌禹勒兵登城控扼上下以張其勢賊宵

潰澧賊雷德進柵險稱亂帥檄運討之運將都統梁吉

等率兵直搗其巢破四十二柵降其眾移貳需須金人

犯廬壽等州大將駐兵淮甯以拒之運給餉未嘗絕
歲餘以親老還江東寓居鄰召入除知達州方大旱人
境而雨奏除民病五事召爲度支部中陳諸路經運七
弊懲革十術遠近遞輸以均勞逸事皆施行兼樞密院
檢詳尋改大理少卿明於治獄獄爲之空拜刑部侍郎
兼權戶部侍郎金人渝盟特遷戶部侍郎以專餽餉丞
相陳康伯議遣李寶自四明控制海道眾論紛紜運直
入贊決以戰爲上策金人果敗走從上勞師江上及還
請補外乃授集英殿修撰出知太平州孝宗既受禪運
亦請老以敷文閣待制提舉江州太平興國宮尋授廣
東經略不赴乃復祠祿鄱大饑運首發粟二千石以振
之自是民爭出粟以濟卒贈少師左光祿大夫

宋史

江西通志卷一百五十七

列傳

十一

周執羔字表卿弋陽人宣和進士廷試第二除太學博士
建炎初從隆祐太后於江西還觀會稽尋以母疾乞
歸就養調撫州宜黃縣時四境假擾潰卒相挺爲變執
羔執首謀者斬以徇邑人德之繪像立祠改秩通判湖
州召爲將作監丞遷太常丞攝權禮部侍郎充賀金生
辰使兼吏部侍郎請賜新進士間宴宴於禮部從之軍
興廢此禮至是乃復以忤秦檜被劾罷起知眉州改夔
州兼夔路安撫使尋除敷文閣待制禮部侍郎拜本部
尚書在經筵二年每勸上以辨忠邪納諫諍明年三月
告老上諭曰祖宗時近臣有年踰八十尚留耆卿之齒
未也命卻其章閏月復申前請詔提舉江州太平興國
宮卒年七十七

宋史

方疇字耕道弋陽人建炎進士紹興初上書謂金人詭
計盜賊猖獗藩鎮跋扈將帥專恣爲四宜憂請征代理
財用擇人才明賞罰重臺諫抑閹寺議詔令恤凶荒訓
民兵寬民力爲十宜行其一宜去謂時宰也後通判武
岡軍郡守李若樸希時宰意告疇與胡銓爲姻家中以
深文貶零陵先是張浚亦謫是郡疇因從其父子游後
判建康以疾終於官有文集二十卷

宋志

方思尹字民瞻弋陽人紹興中知太和縣監察御史田
如龍持節臨部一見如舊曰君廊廡人也豈久居此乎
章貢兵亂先聲欲下搆廬陵思尹緝木爲柵狀如鹿角
橫截江流民心以安在邑六年參政董德元薦於朝拜
左司郎中奏減油麻折苗之稅後遷鄂州總領廣西江

江西通志卷一百五十七

列傳

十二

西提點刑獄以老辭

豫章書

謹案以水柵置水禦潮
部之事始又習見明代
巡按御史而想像爲之

楊抗字抑之上饒人以才略薦用嘗知盱眙紹興辛巳
之役爲淮西運使錫山尤表爲著事實子恂字信伯登
進士第文學推重於時

人物志

施師點字聖與上饒人十歲通六經十二能文弱冠游
太學舍選奉廷對調復州教授陳康伯薦賜對兼權禮
部侍郎除給事中時太子詹事已除上又特令增員爲
二命兼之假翰林學士知制誥使金致命金廷立班既
定相儀者以親王將至命師點退位屹立不肯少動使
還除端明殿學士兼參知政事同知樞密院師點嘗同
宰相奏事退復同樞密周必大進呈上曰適一二事卿

等各陳所見甚關大體前此宰相奏事執政不措辭今
卿等如此深副所望除知樞密院事以資政殿大學士
知隆興府江西安撫使薨年六十九有奏議十卷制臺
八卷東宮講議五卷易說四卷史議五卷文集八卷
申世甯信州鉛山人紹興六年潘達謝志兵襲鉛山父
愈年七十未及出戶遇賊賊意其有藏金欲殺之世甯
年未冠亟引頸願代父死賊感其孝兩全之史
傳鎮字子玉鉛山人官應進士舉時青苗法行縣多繁
遭鎮悉捐貲代輸盡得釋里閭皆稱長者紹興初潘達
寇信兵焚掠至其家三舉火不然首領後至曰是傳長
者家不可犯斬舉火者而去人

江西通志卷一百五十七

三

徐珣字溫甫上饒人高宗朝進士授辰州教官爲刪定
編修轉池州判官有美政尋致仕所著有語孟解易解
學者多宗其說志

周欽若鉛山人累世業儒初有聲三舍間不就祿仕積
書教子數世同居慶元中旌其門志

詹叔善字繼道玉山人紹興進士拜奉議郎諸王教授
滿歲即求致仕壽皇嘉之特官其子復賜誥有知止足
勵士風之語先時叔善築書屋榜曰知止與語語合人
多題詠之其昆弟叔甯叔迴叔叔義俱第進士人

詹叔義字仲和叔善弟紹興進士又中博學宏詞科以
親老丐監獄廟後官荆南府教授所著有拙齋文集二
十卷詩集五卷狂夫論六卷人

杜頴字彥舉紹興進士仕處州司法終武昌判官官廉

杜頴字彥舉紹興進士仕處州司法終武昌判官官廉

平所著有溪南集二十卷弟績字彥成紹興乙丑及第
任沅江令終浙西運幹著有類左傳十六卷簡唐書五
十卷人林志所載與此異
韓大甯字孝先玉山人紹興進士嘗著續白將傳周易
集注知饒州德興縣累有惠政終於官袁甫題其墓曰
純孝先生之墓志

徐仁一作傑字漢英玉山人紹興進士趙鼎深器重之
後陞對惟以復讐貶清境土爲言遂忤秦檜請祠祿歸
所著有檣弓傳易傳春秋發微人

王時敬字德修上饒人學有源流兼該體用嘗從呂祖
謙遊所著師說語孟中庸大學說并雜文若干卷人

徐椿年字肅卿永豐人紹興進士任宜黃主簿以承奉
郎致仕從張九成學所著有尚書本義論語解雙溪集

江西通志卷一百五十七

四

汪喬年字房孺玉山人紹興五年以特奏名進士對策
第一臨事接物一以誠信少以文學顯晚以齒德尊人

祝可久字德父鉛山人初從劉子羽立功西陲父歿不
仕與弟可大設鄉塾以訓學者又爲義莊以濟族之貧
者從兄某出仕爲安夫婦繼亡男女俱幼可久馳護以
歸人

余畢字克成玉山人紹興五年釋褐官知和永二州其
在太學四方稱爲善類所居學者漸清其涵育成就
其爲政簡而豫不表暴不譴隨離以道自信而務盡人

言林

趙汝濂字文浩鉛山人嘗知南城縣盜發南豐郡以屬

汝濂盡釋其脅從人德之通判建昌軍攝軍事盜起

鎮撫不遺力忌者反以爲言遂杜門不復出仕

汪涓字養源應辰之兄也踐履篤實有古君子風登進

士第爲中書舍人與應辰同處禁塗時稱二汪

汪應辰字聖錫信州玉山人紹興五年進士第一人年

甫十八初名洋特改賜應辰上欲卽除館職趙鼎言且

令歷外任養成其材乃授鎮東軍簽判鼎爲帥幕府事

悉諮焉召爲祕書省正字時秦檜力主和議金人欲以

河南地歸我應辰上疏謂和議不諧非所息和議諸矣

而因循無備之可畏臣願勿以和好爲無可虞而思患

預防常若敵人之至疏奏秦檜大不悅出通判建州遂

請祠以歸寓居常山之永年院益以修身講學爲事張

九成謫邵州交遊皆絕應辰時通問及其喪父言者猶

政之而應辰不遠千里往弔通判袁州凡所予奪人無

異詞丞相趙鼎死朱崖扶喪過郡應辰爲文祭之檜死

召爲吏部郎官遷右司母老乞外出知婺州尋丁內艱

服闋除祕書少監權戶部侍郎三十二年建儲以孝宗

名與唐廬江王晉楚王同詔改爲煜應辰以爲與唐昭

宗同白左相陳康伯遂改今名集議秀王封爵應辰定

其稱曰太子本生之親暨內禪擬於傳位日降赦應辰

言唐太宗受禪於高祖明年正月始改元乃從其說又

議改元重熙應辰謂契丹嘗以紀年遂改隆興一朝大

江西通志卷一百五十七

列傳

五

六禮多應以所定議乞補外知福州未幾升敷文閣待

制舉朱熹在鎮二年會朝廷謀蜀師乃以敷文閣

學士爲四川制置使知成都府既至免利路民餉運徙

沿邊戍兵就糧內郡縱保勝義士復業存左藏所解白

契二百萬以備不虞悉奏行之吳璘時駐蜀口武興精

兵爲天下冠璘死應辰遂攝宣撫之職蜀道晏然入覲

陛對以畏天愛民爲言尋兼翰林學士應辰在朝多革

弊事中貴人皆側目力疾請祠自是臥家不起少從呂

居仁胡安國游張栻呂祖謙深器許之子達仕至吏部

尚書端明殿學士

陳文蔚字才卿上饒人朱子門人著書立說深得旨趣

朱子與手書往復互相論正所作州學修禮器記亦推

尊朱子儀式而損益焉

蔣夔字子莊永豐人河南伊縣令紹興間嘗中文科復

充制選其所與遊習一時名士所著有論語孟子周易

解合二十七卷

劉允迪字德華玉山人隆興進士知德安縣爲政一本

儒術以惠愛得民累官至朝奉郎參議沿海制置司軍

事後居家建義學以教族子弟及鄉之願學者

徐子融不詳其名鉛山人朱子與蔡季通書云鉛山徐

子融老成有守嘗作小學欲延之家塾爲諸子師範云

集朱子

汪達字季路應辰子乾道進士官國子司業韓侂胄用

事斥僞學善類不自安劉德秀因乞考核邪正真僞所

江西通志卷一百五十七

列傳

六

逐多名士達入劄子辨之德秀以達爲妄言并斥之開
居七年參政李壁力言於朝嘉定初召爲太常卿累遷
至吏部尚書人物志

周憲字可則永豐人從東萊呂氏遊集所聞爲震澤語
錄曾仲躬跋其後志

盧孝孫字玉溪貴溪人嘉泰進士仕西安丞擢知玉山

升太學博士淳祐初上適太學御講筵孝孫退而獻所
編四書集義上善之旣而上於中瓦建龍翔寺祀感生

帝孝孫因上時相書極言其不能格君非心卽挂冠歸
闕門授徒累召不起學名稱爲玉溪先生人物志

韓補字復善玉山人與兄祥同登嘉定癸未進士知徽

州爲政廉明尋除淮西總領遣使南邦還對稱旨在朝

江西通志卷一百五十七

七

疏奏以切直忤時宰出知太平治尚清靜民皆安之祥

字履善好學嗜文累官吏部侍郎兄弟皆宗程朱之學

世稱二韓理宗御書翁和堂以榮之人物志

黃從龍永豐人嘉定進士爲郢州推官元兵入襄隄郢

當要衝守將潛遁從龍抱印登城大呼曰張巡許遠之

事正在今日齧指血書死戰報國四字與子熙力戰而

死林志

宋儒字希清貴溪人嘉定進士仕大理評事上書陳安

內攘外事宜執政惡其切直調迪功郎卒於官志

周端禮字應和永豐人充金國慶賀使金主問使至輒

伏盜剽劫禮幣然後以使者失職起疊端禮及境察知

其事乃遷幣他所夜果邏舟數十問宋使者何在無所

得黎明募壯夫倍道至金金主弗知令判使索書幣甚
亟端禮具以進金君相相顧失色贈遺甚厚林志

蔣傳永豐人慶元初韓侂胄欲逐趙汝愚而難其名京

鏞曰誣以謀危社稷則一網打盡矣侂胄乃使右正言

李沐以誣論罷之國子祭酒李祥司業楊簡力辨其非

亦被斥傳時爲太學生與同舍生楊宏中等六人伏闕

上書白汝愚之忠勤辨祥簡之非黨請竄沐以謝天下

還祥簡以收士心疏上上以其扇搖國是編管五百里

江西通志卷一百五十七

大

趙不遇信州人直祿閣登進士爲清湘令無異韋布嘗

置萊濟倉冬糴夏糶閭里德之繪像祠焉林志

葉夢得字是齋貴溪人由進士授祕書承建石林書院

與盧孝孫陸九韶等講學其中有著述行於世人物志

余大雅字正叔上饒人德性和粹器量宏遠聞朱子講

學閩中毅然往師之朱子嘉其勤平居問答僅存語錄

刻於江東庾臺林志

趙善鄧信州人以宣教郎知崇安縣事政尚嚴明人號

趙鐵面紹定中汀州寇亂邑當孔道供億軍需不擾而

辦民甚德之人物志

鄭芝秀字月山貴溪人進士及第仕未顯而卒族子會

字亦山仕至禮部侍郎理宗愛其才手書門帖賜之物

趙蕃字昌父其先鄭州人大父賜提點抗治家信之玉

山蕃以致仕恩調浮梁尉連江簿皆不赴爲泰和主簿

受知於楊萬里理宗卽位特改奉議郎直祕閣又辭奉

祠致仕卒年八十七善五十時猶問學於紫陽既耄命

所居曰難齋景定三年祕閣修撰鄭協等請諡乃諡文

節諡章書 自志善案趙 諡學名稱 爲章泉先生

周曰章字文顯永豐人自信甚篤窮不易操嘗慕王貞

白之爲人友人趙蕃名其詩曰靈溪後集以貞白嘗有

靈溪集也林志

徐元杰字仁伯上饒人幼穎悟誦書日數千言每其思

精索問陳文蔚講書鉛山往帥之後師事真德秀紹定

進士及第簽書鎮東軍節度判官召爲祕書省正字選

校書郎奏否泰剝復之理請外不許遷著作佐郎兼兵

部郎官以疾辭差知南劍州會峽陽寇作禽渠魁八人

斬之餘釋不問母憂去官免喪授左司郎官兼崇政殿

說書拜將作監時天久不雨轉對極論洪範天人感應

之理及古今遇災修省之實辭益忠懇丞相史嵩之丁

父憂有詔起復中外莫敢言元杰言陛下爲四海綱常

之主大臣身任道揆扶綱常者也自問大臣有起復

之命雖未知其避就若何凡有父母之心者莫不失聲

涕零是果何爲而然人心天理誰實無之臣懇懇納忠

何敢詆訐特爲陛下愛惜民彝爲大臣愛惜名節而已

疏出朝野傳誦未幾兼右司郎官拜太常寺卿國子祭

酒權中書舍人杜範入相復延議軍國事所言皆朝廷

大政邊鄙遠慮每裁書至宗社隱憂處輒闕筆揮涕書

就隨削藁雖子弟無有知者輪當侍立以暴疾謁告特

江西通志卷一百五十七 列傳 九

拜丁部侍郎隨乞納祿詔轉一官致仕卒太學諸生伏

闕愬其爲中毒獄迄無成海內人士傷之賜諡忠愍姝

趙善鄒字國用鉛山人嘉熙四年知東莞縣節用愛民

科徵或不給則捐囊代輸剖決如流稱神明宰初李巖

築隄護田自姚合孝資後莫有繼者善鄒修萬隄萬五

千九十丈視地患水者復隄之事竣歡聲載塗比去民

思之不置廣東志

謝微明枋得伯父也以特奏恩爲當陽尉攝縣事時天

其簡上壽元兵奄至微明出戰死二子趨進抱父屍亦

死人物志

周天駿字子德永豐人清祐進士授校書郎嘗從真德

秀學德秀爲作穎齋爲學二記勉之人物志

余炎字伯華永豐人清祐進士授廣東提刑持己廉潔

當時之廉吏碑炎居其一廣東志

邵主英字子實貴溪人清祐進士理宗朝官翰林檢閱

不阿權貴爲賈似道所扼退居鶴嶺構精舍日與弟子

講學其中及卒江萬里諡曰介隱先生林志

徐珏字叔寶上饒人寶祐間餘十令每決疑獄人稱神

明林志

謝枋得字君直弋陽人寶祐丙辰試中禮部高等比對

力詆時宰閣宦抑置二甲第一召試教官調建甯府教

授趙葵官撫江東西辟爲屬尋除兵部架閣令募兵援

江上出楮幣十萬貫得信撫義士數千人以應賈似道

當國會軍興出入簿責任事者坐廢元師壓江上宋社

江西通志卷一百五十七 列傳 十

日替江東漕司猶試士徵校藝枋得憤買竊政柄害忠
良誤國毒民發策十問辭甚切大拂買意臺評章上
謗訕錫兩秩興國軍安置因謫所之山自命疊山守令
皆及門執弟子禮丁卯以史館召不起乙亥授江東提
刑總其兵以守饒信撫與元兵戰輒敗遂易服負母走
閩中隱於下信守將悉捕枋得妻子弟姪送建康獄夫
人李氏有容德有廉帥者欲妻之一夕自經死弟君烈
君澤姪某某及一女二婢皆死獄中惟二子繼之定之
移獄廣陵得釋又有弟禹在九江亦不屈斬於市其後
侍御史程鉅夫以宋遺士三十人薦於朝枋得在事
中以丁內艱辭連召皆不起福建行省魏天祐被旨迫促
上道乃行至元都不食死年六十四門人私謚文節先

江西通志卷一百五十七

列傳

三

生平日所著易書詩三傳行於世雜著詩文六十四卷
翰林學士盧摯爲之序枋得死後二十四年門人虞舜
臣率其徒築室買田祠於弋陽之東江浙行省請於朝
爲疊山書院元李道源謝雲神道碑自志原案宋史
潛岳撫江東西碑以爲趙葵傳云程文海爲宋臣二十
八人碑以爲三十一人傳云二十四年四月卒京師碑以
爲二十五年碑云信之守將悉捕公妻子弟姪送建康
大人在江亦不屈死於市所著易書詩三傳經義詩文
西在九江亦不屈死於市所著易書詩三傳經義詩文
悉以碑文爲據又引郭子章言文節諱集以爲私謚
鄒汝學臣爲錄以爲景泰年間諱集以爲私謚
爲私謚志據實錄登科錄枋得爲貴溪人明會典亦稱
貴溪人志其先貴溪人枋得爲貴溪人明會典亦稱
徐炎子永豐人謝枋得高弟也景定進士授行在軍器
監添差建甯府通判有美政建人頌之人物
韓觀國字用賓景定進士授潭州錢事元兵下江南頓

師堅守不下凡閱月城陷死之人物
王十鉛山人母疾割股以愈之知州葉三省奏乞旌
表門閭改易鄉號仍宣付史館詔悉從之以所居紫溪
鄉改旌孝邑志孝子韓涑承豐周溫叔俱以孝義聞於
時

桂璧貴溪人領江西漕薦授新州判北兵寇浙太守徐
弄逸去璧申明大義率城中民日夜捍禦敵不能犯踰
旬乃出奇兵擊之圍遂解尋以舉薦授南昌節推故
桂子恭字伯允貴溪人以破蔡公授瑞州都監謝枋得
贈文天祥曰子恭忠銳沈鸞許國馳驅志大而任不
稱從益洪朝陵寢洪閭其行橐惟古氣說一帙洪入
朝奏其忠潔遷洪吉臨三府都延授成忠郎卒志

江西通志卷一百五十七

列傳

三

程魁字玉巖貴溪人應嘉熙庚子貢賓祐丙辰伏闕上
書咸清中乙科授從仕郎臨汝教授德祐乙亥以承直
郎禮兵部架閣并鄉郡紫陽方回表其墓志
王奕字伯敬玉山人爲邑博與其子介翁居玉琊峯讀
書其中素與文天祥謝枋得友善及枋得就執北行送
之有詩云兩生無補泰興廢一出仍關營重輕白骨青
山如得所何須兒女哭清明詞旨激烈宋亡建山書
院居之杜門不出所著行東行錄人物
徐宗仁字求心水豐人清祐進士官國子監主簿開慶
元年伏闕上書極論惡事又論革宋臣盤固日久蒙蔽
日深又請使有言者皆得盡其言異議考功郎兼崇
政殿說書國史編修實錄院檢討德祐元年授吏部侍

郎中書門下檢正諸房公事權禮部尚書兼益王府贊
讀衛益王走海上厓山敗死焉錄章

元

桂本字林伯貴溪人隱居不仕講明象山陸氏之學創
靈谷書院著述其中所著有四書通義五經統會三極
一貫圖金精髓極類纂道統銘等書王忠文

祝堯字君澤上饒人博學能文延祐進士授南城丞改
江山令升萍鄉州同所著有太易演義四書明辨榮學

提綱古賦辨體志林

楊仲宏玉山人第進士翰林編修能詩文號百戰健兒

志林

楊亮字叔明上饒人元高士也與錢惟善為友子觀至

江西通志卷一百五十七列傳

順二年進士翰林檢閱揭文安

方南一貴溪人謝枋得高弟也延祐開任饒州教授耿

介不羣卓於樹立遷贛州判官所至有賢聲志人物

劉光字自謙上饒人延祐進士授翰林編修少承家學

一時名士爭與之游稱之曰泉山先生祖養拙受學黃

幹得居敬窮理之要號白石先生光因創白石書院祀

朱子而配以幹又建義塾置義田以贍鄉子弟之來學

者朝廷嘉其行誼旌表其門志人物

張宏綱貴溪人早負才名應官集賢院大學士榮祿大

夫柱國封信國公諡安惠志林

黃叔樵弋陽人博學能文善楷書嘗分教邑庠以足疾

辭歸授徒於鄉為後學所宗與兄孟耕處友愛尤篤居

家嚴禮法禁絕佛老之教志林

方思廣字可大上饒人至正三年知連州增學田立義

冢勤撫字吏卒無敢恣者既去士民紀績學宮至今尚

存廣志

江彥章貴溪人元末不仕僞將王溥聞其名欲鉤致之

不可得乃以兵縛之行至何郎橋厲聲罵不絕遂遇害

土人瘞其屍次日雪封之莫識其處至今人呼曰江家

山云志

謹案白謝二志元代有李續傳別無事實惟云顧瑛玉

山草堂集有弋陽山樵李續序當是弋陽人而已本非

傳體且考今本玉山草堂集序但有李祈而無李續或

是誤刻之訛或是藏本之異原不能據今本以議白謝

之誤惟即有一序於專傳亦非所宜今刪之而附辨於此

江西通志卷一百五十七列傳

香

江西通志卷一百五十七

江西通志卷一百五十八

列傳二十五 廣信府二

明

陳修字伯昂上饒人從太祖平浙東授理官援引律令悉本寬厚盡改元季弊政擢兵部郎中遷濟南知府時亂後比戶彫殘且多衛將練兵屯田其閒修撫治有方兵民相安洪武四年拜吏部尚書六部之設自洪武元年鎮江滕毅首長吏部銓除考課諸法略具修偕侍郎李仁詳考舊典參以時宜按地衡僻爲設官煩簡凡庶司黜陟及課功覈實之法皆精心籌畫銓法秩然未幾卒官

明史 白志舊案林志人志皆以修爲弋陽人

余德讓永豐人元季之亂德讓幸義旅保障鄉邑明初

江西通志卷一百五十八 廣信府

舉賢良歷官知池州時浙西初平命簡郎官有才猷者往參闡務德讓拜行省郎中區處安輯悉有條理以信州隸浙漕運不便詣闕陳其所宜遂改隸江西民深德之子英以人材舉同知力行惠政有父風

人物志

白天民鉛山人洪武初以明經任本邑訓導教人有方御史葉孟芳薦之曰學精德邁智慮過人才堪大用召至京師授廣東肇慶知府政績著聞

明一志

張率字孟循貴溪人洪武初知嘉定州上海民錢鶴皋作亂入城據之率破執不屈囚繫松江獄先是朝廷命俞平章守太倉間嘉定失守遣兵來援會大軍平松江率得還俞素聞率賢曰幸公毋恙願聽約束不敢擾州民也民賴以安及罷任去老少皆爲之涕泣

人物志

何敏中貴溪人洪武中以才行卓異任祁門知縣上書言時政得失朝廷嘉之遣行人賜以尊酒擢徽州府知

府後轉嘉興府所至有政聲

明一志

游志遜上饒人洪武間以蔭授廣西興安丞入朝應制賦詩擢御史舉劾不遺權貴太祖稱爲忠直御史尋升四川僉事

林志

葉瓚字贊玉貴溪人元金華月泉書院山長升發學正丁亥明太祖取婺州置行省中書召儒士許元等十一人入直省中講論經史敷陳治道而瓚首被選將大用之以病歸卒所著有石坡集孝經衍義廣信先賢傳子孝友以文學世其家

人物志

徐觀道上饒人洪武初以文學赴召試天地廟社山川

江西通志卷一百五十八 廣信府

鬼神諸論稱旨授翰林院檢討署吏部考功郎中乞骸

陛辭上稱之曰善人有遺文若干卷藏家

人物志

李耕字原堃貴溪人以三禮舉進士授仁和令官八月而卒性頹敏六歲能詩十歲通羣經金華宋景濂鄱陽

蔡淵仲皆稱之爲一代奇才弟造字原深以春秋舉進士丞古田有宦績

人物志

吳從敬貴溪人博習經訓洪武初以薦授晉府長史所著有康衢集小學訓義詩集大成古文孝經集義傳於

家人

人物志

周颺瞻字景顏永豐人洪武初由明經授本縣教官尋擢祠部郎嘗奉敕撰郊廟碑文未幾請老上重其學行以清秩處之調國子學錄入爲王府教授終於官所著

有虛齋集

龔敦銘山人洪武初以明經任府學教授御史葉孟芳

高其行薦至京師時建四輔官以四時爲號敦爲春官

未幾致仕復起國子司業尋升祭酒卒於官

王自牧上饒人洪武間以人材用歷官至兵部職方司

郎中永樂三年從英國公張輔出征交趾卒於軍

楊廣仁上饒人永樂間任虔城縣令百廢具興雨暘應

時嘗以累繫獄百姓相率詣闕白其冤得釋及卒老稚

遮迎其喪泣送者千百人

俞孟芳字世賢永豐人幼爲葉氏後冒其姓明初以貢

入太學授東阿教諭升御史出按山東法紀嚴明黑吏

望風改轍既按陝以言事謫鄭州倅尋復職嘗薦白天

民龔敦學行於朝帝嘉其所舉歷僉都御史卒

王增祐字永吉貴溪人永樂進士授御史歷升副使嘗

兩錄重囚辨死罪以下三百餘人進廣西按察使論奏

總兵田真贓罪實於法士官黃玠奪嫡殺本支七人增

祐以聞收玠繫之獄玠度不可免潛結近侍以請易太

子合景帝意卽命馳傳赴闕擢居督府增祐撫膺長歎

曰所不能誅此逆賊復可與同立於朝乎遂解組歸

裴德澤貴溪人永樂進士由庶吉士改授御史宦寓不

攜家服食飭約如寒素出巡福建風裁大著後以言事

謫交趾居三年遂棄官歸

吳添麒字廷瑞弋陽人永樂進士官禮部嘗奉使東魯

閩楚諸大藩清聲昭著中外

王受字謙益玉山人永樂鄉舉官監察御史升廣西

僉事景泰初土賊韋萬秀攻掠慶遠受以兵破之尋致

政歸

邱旭鑑貴溪人由吏材任通政司知事擢黃巖令累官

至御史升浙江參政卒於官樞憲編素泣送者不下數

百人復像祀之從子祺由鄉舉官處州知府

江永洪貴溪人由茂才舉授監

千人亦不敢干以私嘗以次往述職民恐遂代也

遮留之居六年坐註誤引去人咸惋惜子憲孫左曾元

孫潮汝璧汝珪相繼起科第

石啟宗樂平人洪宣間知歙縣有惠利民懷思不忘

李奎字文耀弋陽人正統間擢御史按浙江蘇松諸郡

以楊士奇薦督京畿學政舉儒士黃輔等五十餘人分

主師席士習丕變升大理寺丞遷右少卿未幾致仕歸

所著有經辨疑九州集歸田錄子玘任御史升陝西

副使

吳德弋陽人六歲喪父家貧比葬以衣裹小石周埋

墳麓令異日可尋年十三值兵變隨母胡氏轉徙母卒

哀毀絕

胡添銘山人正統進士任刑部主事歷杭州知府公廉

有威不畏強禦屬邑富陽新城屢旱澇相視開渠築隄

引流灌漑滯獄悉爲剖決治行第一受璽書文綺之資

人物

黃溥字澄濟弋陽人正統進士擢御史歷任廣東四川

按察使用法得平所著有石崖集漫興集所編輯者則

有策學輯略治世正音詩學權輿諸書林志

李奈字景春上饒人正統進士歷官吏禮二曹醇博知

大體擢廣西參政協贊兩廣軍務韓雍平徭之役奈與

有功焉人物志

周福字慶鍾永豐人正統開布衣也自幼警敏涉獵書

史爲文操筆立就信守金銑曾采英廟實錄辟福領其

事兼預輯郡乘名重一時人物志

呂晟字景熙永豐人景泰進士由庶吉士歷官夔州知

府柔順和樂以孝行稱於鄉里有司上其事詔旌門志

江西通志卷一百五十五列傳

白志舊案及志載有上饒章敬思王廷槐承襲賢俱以孝義稱爲附其各於人

高明字上達貴溪人幼事母以孝聞景泰進士授御史

聞內苑造龍舟上疏切諫徐州民訴有司於朝時例越

訴者戍邊明言戍邊防誣訴也今訴不誣法止當杖民

有爲妖言者吏貪功誣以謀反明按無反狀止坐妖言

律皆報許巡按河南黜屬吏六十人入總諸道章奏御

史趙銘等劾天下朝觀官觸上怒詰草疏主名明獨白

承都御史寇深言頻年章疏盡出明手幸勿以細故加

罪上意解石亨既誅僮僕皆收明言不宜坐免者百人

擢大理丞憲宗立拜南京僉都御史揚州鹽寇起守兵

失利詔明討之造巨艦名曰籌亭往來江上督戰並江

置邏卒候望賊蹤迹無所匿遂平之仍還原任以親老

乞終養歸上杭盜發詔起巡撫福建督兵討禽誅首

惡餘悉滅死造戍以上杭地接江西廣東盜易嘯聚

析置永定縣移疾歸久之卒史明

鄭雅字仲平上饒人以監生調和鄉簿之官以一僕自

隨每與令長部使者爭不便而頸時發赤繼判安節奏

蠲逋稅病革成僕飭後具無受賄歸裝一敝篋朝祭服

外家訓十四條而已孫毅進士累官都御史以治行聞

保志

費瑄鉛山人天性孝友事親養志親歿謹廟祭雖遇遠

忌哀慕如初喪兄弟義居每食合諸房尊幼男女以類

聚一人弗至不食也子宏家既貴愈儉約自持常語子

姪曰吾先世慈祥謙約以有今日汝能守此則慶祖永

江西通志卷一百五十五列傳

延孝莫大焉鄉人有以鬪節通者懸東草於門謝之曰

某若鬪口行屬卽噬此草終其身無私子章懋爲之傳

曰公之所立不出彝倫日用之常而各盡其所當爲真

足以爲訓也按

姚明字仲遠貴溪人景泰鄉薦林志化進士選授御史按

東吳改巡兩浙平反冤獄無虛數十人擢陝西僉事督

甯肅軍餉舊法采銀限以一定明乃酌價之宜而上下

之士卒踴躍未幾以疾卒人物志

婁諒字克貞上饒人少有志絕學聞吳與弼在臨川往

從之一日與弼治地召諒往視云學者須親細務諒素

豪邁由此折節雖掃除之事必身親之景泰鄉舉天順

末選爲成都訓導尋告歸閉門著書成日錄四十卷三

禮訂訛四十卷謂周禮皆天子之禮爲國禮儀禮皆公卿大夫士庶人之禮爲家禮以禮記爲二經之傳分附各篇如冠禮附冠義之類不可附各篇者各附一經之後不可附一經者總附二經之後其爲諸儒附會者以程子論黜之著春秋本意十二篇不採三傳事實言是非必待三傳而後明是春秋爲棄書矣其學以收放心爲居敬之門以何思何慮勿忘勿助爲居敬要旨後羅欽順謂其似禪學云明史白志舊案吳東齋之門最人而已同時所見已不能無石齋胡敬齋與妻一齋三異同不待整卷方有駁辭也

李直字行裴貴溪人景泰進士歷官以廉能稱瀛鞠明允時權貴門達假匿名書陷以法賴公論直之調興化判尋知保甯府列所宜行著爲令後移疾歸卒於道子

江西通志卷百五十八

列傳

七

祚舉進士嘗建白時政皆切中事宜歷升僉事卒

人物志

邱鼎字宗周旭鑑子景泰進士累官右副都御史督漕

運巡撫鳳陽鳳望肅然左遷副使備兵漢中尋起僉都

御史莅巡撫事時漢中大旱便宜賑濟民賴以甯

介知止謝病章再上得允忻然曰吾嘗以不能勇退爲

憾今日乃釋重負矣

人物志

劉伯川字東之永豐人天順進士逆璫曹吉祥怙奪門

功橫甚每朝會故爲戲侮以市權糾儀者目攝之不敢

言伯川舉笏披吉祥頰至流血朝後蕭然選額當授臺

省郎當事者嫌其剛直抑除禹州知州有惠政卒於官

州人祀之

府志

王讓字謙光上饒人天順進士授給事中屢觸忌諱不

以禍福怵一時權貴深憚之里人懷忌相軋者因希風旨喉鳴兒誣奏出補濟南通判再擢楚雄知府黔國公以下重其素望咸咨以邊務焉平生章疏最多燬不存方擬大用以入覲過家而卒

白志

鄭節字從倫祺之子天順進士授南臺御史出按畿甸

以風裁稱憲廟初進所爲明良錄語頗觸諱賴優容得

賜還構草峯書院講學其中著禮傳八十卷續真西山

政經二卷發明朱子家禮作家禮略二卷

白志

江璞字伯溫貴溪人成化進士知南雄府器識英邁廢

墜畢舉嘗創大中書院修太平橋上疏創通濟鎮居停

客貨取資以代虛賦民蒙其惠祀於景德祠

貴東通志

楊縉貴溪人由舉人令歸化時山寇竊發邑無城民輒

逃宜給請於上官爲築城鑿池民賴以安

福建通志

侯康遠字直夫弋陽人由薦舉授浙江建德令擢嘉興

府同知清儉以帥奢俗有某同知之謠尋請老歸卒

人物志

傅霖貴溪人由吏材任嘉善縣丞擢知東平州調濟甯

升保定知府爲政不畏權要惟以愛民爲心累著異績

被旌典受知楊士奇亟薦用之霖引疾歸人

費瑄鉞山人成化進士官主事治水呂梁見上流有渠

舊合芻土治渠築隄隄潰民苦征役乃募工改築石

隄西則立壩以殺湍悍之勢東則發長衝以通牽挽之

壑居民立廟祀之擢員外郎往按貴州爛土苗拒之

劾巡撫謝景等罪遷貴州參議

明史

費宏

林志